

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 495628 25 St
Tuzla, 14.04.2026. godine

Općinski sud u Tuzli, sudija Antonela Đaković kao stečajni sudija u stečajnom postupku nad dužnikom „ERSSING“ d.o.o. za inženjering, konsalting i trgovinu Tuzla, ul. Gornje brdo br. 45, nakon provedenog prethodnog stečajnog postupka, dana 14.04.2026.godine donio je

R J E Š E N J E

OTVARA SE stečajni postupak nad imovinom dužnika „ERSSING“ d.o.o. za inženjering, konsalting i trgovinu Tuzla, ul. Gornje brdo br. 45, MBS:1-13336, JIB:4209699540006.

Za stečajnog upravnika imenuje se Senad Uzunić iz Tuzle, ul. Izeta Sarajlića broj 5c.

ZAKLJUČUJE SE stečajni postupak nad imovinom dužnika „ERSSING“ d.o.o. za inženjering, konsalting i trgovinu Tuzla, ul. Gornje brdo br. 45, zbog nedostatka stečajne mase za pokriće troškova stečajnog postupka.

Rješenje će se objaviti na Oglasnoj tabli suda, WEB stranici suda, Službenim novinama F BiH, te dostaviti FIA-i.

Pravne posljedice zaključenja stečajnog postupka nastupit će po proteku osam dana od dana objavljivanja rješenja u „Sl. novinama Federacije BiH“, a pravosnažno rješenje će se dostaviti Odjelenju registra ovog suda, radi brisanja stečajnog dužnika iz sudskog registra.

O b r a z l o ž e n j e

Rješenjem Općinskog suda u Tuzli broj 32 0 St 495628 25 St od 13.01.2026.godine, pokrenut je prethodni postupak radi utvrđivanja uslova za otvaranje stečajnog postupka nad imovinom dužnika „ERSSING“ d.o.o. za inženjering, konsalting i trgovinu Tuzla, ul. Gornje brdo br. 45, a za privremenog stečajnog upravnika imenovan je Senad Uzunić iz Tuzle, a sve temeljem člana 61. Zakona o stečaju (Sl. novine F BiH 53/21).

Privremeni stečajni upravnik dostavio je izvještaj o provedenom prethodnom postupku ovom sudu dana 13.02.2026.godine. Iz izvještaja privremenog stečajnog upravnika proizilazi da je djelatnost društva za koju je društvo bilo osnovano bilo projektovanje, nadzor i izvođenje građevinskih radova, da je društvo „Erssing doo“ registrovano je sa sjedištem u Tuzli, a osnivač je bio fizičko lice Senad Begić koji je ujedno bio i ovlašteno lice. Sjedište društva je bilo u iznajmljenom poslovnom prostoru u sklopu privatne kuća koja je bila u vlasništvu oca od osnivača društva. Dokumentacija društva je izgubljena i uništena zbog seljenja a prema riječima vlasnika. Društvo nije brisano iz sudskog registra i nije objavljeno u Poreznoj upravi FBiH. U Upravi za indirektno oporezivanje BiH su još uvijek registrovani. Knjigovodstvo je bilo eksterno i zadnji obračun na dan 31.12.2024. godine je uradio računovođa Nusret Bilajac. Prema izjavi ovlaštenog lica nema sudskih sporova u kojima je stečajni dužnik tužitelj ili tuženi. Društvo je zapošljavalo jednog radnika i to vlasnika. Prema dostupnoj dokumentaciji odnosno prema Uvjeranju Porezne uprave društvo ima neizmirene obaveze za poreze i doprinose u iznosu od KM 21.465,33. Iz dostupne dokumentacije nije moguće utvrditi kada i za koji period

su uplaćeni zadnji doprinosi na plate i moći će se utvrditi nakon što Porezna uprava FBiH podnese prijavu potraživanja. Društvo je prestalo sa poslovanjem u toku 2010. godine obzirom da nije bilo prometa po računu u banci. Društvo ne predaje mjesečne prijave za PDV prema Upravi za indirektno oporezivanje BiH a nije poznato vlasniku da li vraćen PDV broj. U evidenciji UINO se vodi kao pasivan. Računi društva kod poslovnih banaka su blokirani na dan donošenja Rješenja o pokretanju prethodnog postupka. Obzirom da društvo ne posluje posljednjih 15 godina, sva imovina i sitan inventar je rashodovan i nema ga na stanju. Društvo nije ni imalo stalnih sredstava jer su koristili iznajmljene poslovne prostore. Od tekućih sredstava nemaju ni knjiženu opremu na stanju. Društvo je sačinjavalo završne finansijske račune i predavalo u FIA. Obaveze prema dobavljačima mogu biti ispravno utvrđene samo na osnovu prijave potraživanja, mada će i one biti upitne s obzirom na moguću zastaru potraživanja i dugovanja. Vlasnik je prijavio da ima neplaćenu obavezu prema Metalotehna d.o.o. firmi, međutim radi se o obavezi koja je zastarila. Obaveze prema zaposlenim nije poznatno da li su izmirene a s obzirom da je poslovanje obustavljeno 2011. godine, eventualne obaveze prema zaposlenim su zastarile. Društvo je prestalo sa poslovanjem tokom 2011. godine te su raskinuti radni odnosi sa radnicima. S obzirom na činjenično stanje imovine, društvo nema mogućnost nastavka poslovanja.

Stečajni upravnik je mišljenja da su ispunjene pretpostavke za otvaranje stečajnog postupka nad imovinom dužnika „ERSSING“ d.o.o. za inženjering, konsalting i trgovinu Tuzla, ul. Gornje brdo br. 45.

U smislu odredbe člana 103. stav 1., a u vezi sa odredbom člana 102. stav 7. Zakona o stečaju F BiH („Sl. novine F BiH“ broj 53/21), a budući da dužnik ne raspolaže sredstvima za vođenje stečajnog postupka iz kojih bi se mogli podmiriti troškovi stečajnog postupka, sud je Javnim pozivom od 26.02.2026. godine pozvao predlagača, povjerioce i sva zainteresovana lica da u roku od 30 dana od dana objavljivanja poziva u službenim novinama uplate iznos od 5.000,00 KM na ime predujma radi otvaranja stečajnog postupka, iz kojeg predujmljenog iznosa bi se pokrili troškovi stečajnog postupka.

Rješenje kojim se pozivaju predlagač, povjerioci i sva zainteresovana lica objavljeno je u Službenim novinama F BiH broj 19/26 dana 11.03.2026.godine, oglasnoj tabli suda dana 27.02.2026.godine i na elektronskoj tabli suda.

Obzirom da u ostavljenom roku koji je propisan zakonom povjerioci ili neko od zainteresovanih lica nije izvršio uplatu predujma za finansiranje troškova stečajnog postupka, sud je u smislu odredbe člana 102. stav 8. Zakona o stečaju, donio odluku o otvaranju i zaključenju stečajnog postupka, na način određene u izreci rješenja.

Temeljem odredbe člana 102. stav 8. Zakona o stečaju, rješenje o zaključenju stečajnog postupka dostavlja se nadležnom tužilaštvu Tuzlanskog kantona, Poreskoj upravi FBiH i Upravi za indirektno oporezivanje BiH.

Nadalje, temeljem odredbe člana 204. stav 1. i 3., a u vezi sa odredbom člana 190. stav 10. Zakona o stečaju, rješenje se ima objaviti na oglasnoj tabli suda, WEB stranici suda, Službenim novinama F BiH te dostaviti za FIA, dok je odredbom člana 204. stav 2. istog Zakona propisano da pravne posljedice zaključenja stečajnog postupka proizvode pravno dejstvo u roku od 8 dana od dana objave ovog rješenja u Službenim novinama F BiH.

Odluka o brisanju pravnog lica iz javnih registara temelji se na odredbi člana 204. stav 5. Zakona o stečaju.

Na osnovu odredbe člana 206. stav 2. Zakona o stečaju, osnivač društva je dužan preuzeti arhivsku građu i istu predati nadležnom arhivu na čuvanje.

Temeljem odredbe člana 102. stav 8. Zakona o stečaju sud je postupio kao u izreci rješenja.

Stečajni sudija
Antonela Đaković

POUKA O PRAVNOM LIJEKU:

Protiv ovog rješenja stečajni povjerioci i stečajni dužnik mogu izjaviti žalbu Kantonalnom sudu Tuzla, putem ovog suda, u roku od 8 dana, od dana objavljivanja rješenja u Službenim novinama.